

Lingzyinz: Daemj Baengz “Daemj Ok” Saedcej Ndei

凌云：传统织布编织出幸福生活

Youq Lingzyinz Yen caeuq Lozyez Yen rangh dieg Dahbulijhoz haenx, Bouxcuengh daemj baengz lizij gig gyaenanz, gyoengq mehmbwk Bouxcuengh diegde gaenx hong lauxsaed, dinfwnz lingzgiuj, daemj baengz gig ak. Gyoengqde bingzseiz guh hongnaz, mwh seizhoengq couh comz youq ranz daemj baengz, daemj ok gij baengz hoengzhoengz heuheu, gyaundeide dangmaz. Doengh gij baengz neix, mboujdan gyaundeide, lij gig baujraeuj naih yungh, gyoengqde aeu baengz neix daeuj guh baenz buhvaq, nda, damj daengj dawz bae haw gai. Gyoengq mehmbwk Bouxcuengh dieg neix miz haujlai vunz baengh daemj baengz baenzfouq.

(Siuh Fazlingz)



▲ Buh Bouxcuengh gyaundeide raixcaix.

► Mehmbwk Bouxcuengh cingq daemj baengz.



Hocouh: Bi Moq Soengq Angqyangz Daengz Lajmbanj



▲ Bous canghfwen Yauzcuz Mbanjvangsiz cingq langh sing eu fwen, haenh ngoenzndei seizneix.

贺州：新年送欢乐下基层

2 nyied 15 hauh, Hocouh Si Bazbu Gih Vwnzlenz cujiz gyoengq canghheiq ndawbiengz bae daengz mbanjrungh mbanjbya haenx yienj heiq eu fwen, youq ndaw cieng moq soengq angqyangz bae lajmbanj hawj ginzcung, hoh gyoengq ginzcung bi moq yienghyienh ndei!

(Vangz Yuzhuz)

Yungzanh: Mehmbwk Diuqfoux Hoh Bi Moq

融安：妇女展演广场舞庆新春

2 nyied 16 hauh, youq Yungzanh Yen Gvangjczangz, gaenh cien bous mehmbwk angqfaengfaeng youq gizneix diuqfoux, itheij angqhoh ciet ndwencieng, nauhyied dangmaz. Neix dwg Yungzanh Yen Fulenz cujiz guh aen hozdung “Angqcoux Bi Moq, Baij Funghcaij Mehmbwk” neix. Gyoengq mehmbwk neix dwg daj lajmbanj, segih caeuq danhvei daeuj.

(Danz Gaijhing Moz Bizvaz)



▲ Gyoengq mehmbwk angqvauvau diuq fouxgyong.

Gunghcwngz:

Beixnuengx Yauzcuz Nyaengq Ganq Naz

恭城：瑶族同胞田管忙

Vunz gaenx cin daeuj caeux. Singq bauq ndwencieng caengz sanq liux, 2 nyied 16 hauh, gyoengq nungzminz Gunghcwngz Yauzcuz Swciyen Gyahvei Yangh Bwzyangz Cunh couh roengz naz haeuj reih lo, gyoengqde gvak rum dwkbwnh gomakdauz, byaekyouzceh, roxnaeuz vat mieng dwk mieng, bouboux cungj nyaengq raixcaix, bouboux cungj siengj youq bineix aeu ndaej fungsou.



▲ Bwzyangz Cunh beixnuengx Yauzcuz youq ndaw reih gomakdauz gvak rum dwkbwnh.

Aenvih mboengqgonq mbwn nitgoet doek fwn, gomakdauz deng nit maj ndaej menh, vadauz hix maj ndaej mbouj ndei. Vihliux baujcingq makdauz ndaej demsou, gyoengq nungzminz swnh geij ngoenz neix givwnh bienq raeuj, cagaenj guenleix ndaw reihnaz. Seizneix, daengx yienh gaenq dwkbwnh coq reih godauz, byaekyouzceh 7 fanh lai moux, gvak rum 2 fanh lai moux, vih bineix makdauz demsou dwk ndei giekdaj nanwt bae.

(Cwng Ciminj)

Sanhgyangh: Beixnuengx Duncuz Ciengq Go Diuqfoux Angqhoh Ngoenzcieng

三江：侗族同胞新春踏歌堂



▲ Bouslax lwnyez daengx mbanj Mbanjbwzmauz comz youq itheij, angq boq luzswngh.

minzsuz hozdung daegbied neix yinx daeuj haujlai vunz henx mbanj caeuq gak dieg bouxyouz daeuj yawj.

(Vuz Lenyinh)